

Powšitkowne WOZJEWJENJA

njedźelu, 10. apryla 2016

Nyšpor z požohnowanjom motorskich

Popołdno z požohnowanjom motorskich zahaji so njedźelu, 10. apryla, w 14 hodź. z nyšporom w Ralbičanskej cyrkwi. Přizamknje so wulět.

Bratrowstwo hraje w Radworju

Přichodne předstajenje dźiwadłoweje hry „Hdyž kokula woła“ budže tutu njedźelu, 10. apryla, w 16 hodź. na žurli Radworskeho hosćenca „Meja“. Dźiwadłowa skupina Bratrowstwa wšitkich wutrobnje přeprašuje.

Serb dóstanje diakonsku swjećiznu

Biskop Joachim Reinelt wudžěli sobotu, 16. apryla, w 10 hodź. na Božej mši w Drježdžanskej katedrali dwěmaj mužomaj diakonsku swjećiznu. Jedyn z njeju je Florian Mróz z Kulowa. Wšitcy wěriwi su na tutu Božu mšu runje tak přeprašeni a měli so za njeju kaž tež powšitkownje wo duchowny dorost modlić.

Kuratorka powjedže

Zjawne wodženje po wosebitej wustajeńcy Budyskeho Serbskeho muzeja „Pruhi, kruhi, třiróžki. Pisane serbske jutrowne jejka.“ budže tutu njedźelu, 10. apryla, w 15 hodź. Bliši dohlad poda zajimcam kuratorka Andrea Pawlikowa.

Jenož druhi tydzeń do Krakowa

Štóz ma zajim, so jenož w druhim tydženju na Swětowym zetkanju młodžiny w Krakowje wobdźělić, móže so hišće hač do wutory, 12. apryla, we Worklečanskim Don Boskowym domje přizjewić. Jězba wotměje so wot 25. do 31. julija a płaći na wosobu 270 eurow. Městna su jenož na 50 wosobow wobmjezowane. Tuž, štóz přeni přińdže ...

Maš zajim za studij teologije?

Čehodla njeměł poprawom teologiju studować? Studentow teologije a samo profesorow móžeće so „džěry do brjucha“ wuwuprašować. Woni přijědu k tomu do Drježdžansko-Mišnjanskeho biskopstwa a samo do Łužicy. Dožiwic móžeće jich sobotu, 23. apryla, wot 9 hodź. w Budyšinje na farje, Při Pětrowej cyrkwi 7.

Młodostne jako družki prošene

Młodostne su prošene, zo bychu jako družki na zakónčacej Božej mši 100. zjězda katolikow Němskeje njedźelu, 29. meje, dopołdnja na Augustusowym naměsće w Lipsku, jako družki sobu začahnyli. Wone změja w přednim džělu swoje městna. Družki wot 9. lětnika su prošene, zo bychu so na tutech kemšach k wjetšej česći Božej wobdźělili. Jězbu z busom do Lipska njetřebaja wone zapłaćić. Wotjězd budže něhdže w 6.30 hodź. Wone měli hižo zdrasćene być. Po kemšach, kotrež zahaja so w Lipsku w 10 hodź., a wobjedže so zaso domoj nawróća. Zajimče njech so prošu hač do pónđzele, 18. apryla, w redakciji Katolskeho Posoła w Budyšinje, telefonowe čisło (0 35 91) 55 02 12, abo z mailku na Katolski@Posol.de přizjewja.

Za putnikowanje do Krupki so přizjewić

Młodostni wot 16 lět su přeprašeni, wot njedźele, 3. julija, do Krupki putnikować. Woni nawróća so pjatk, 8. julija. Přizjewić měli so zajimcy hač do pjatka, 3. junija, w Chrósćicach na farje, telefonowe čisło (03 57 96) 80 400. Po tym so přizjewjenja hižo njeprěijimuju. Putnicy zetkaja so njedźelu, 5. junija, po nyšporje w Chrósćicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 6. julija, w 10 hodź.

Beneficny koncert we Łazku

Před kulisu Łazkowskeho lěsa zarjadyje Towarstwo swjateje Filomeny njedźelu, 24. apryla, wot 14.30 hodź. beneficny koncert. Program wuhotuja kapala Horjany, hudźbnik Měrćin Weclich, folklorna skupina Sprjewjan, Smjerdžečanska rejwanska skupina, Lajska dźiwadłowa skupina Šunow-Konjecy kaž tež awtoraj Monika Kochowa a Beno Budar. Wunošk wužije so za džěło we wjacorych socialnych zarjadnišćach w bołharskim Razgradze.

Z busom na zjězd katolikow

Štóž chce sej na 100. zjězd katolikow Němskeje do Lipska dojeć, ma k tomu z busom dvě móžnosći. Radworske Šmitec wozydłownistwo poskićuje jězbje sobotu, 28. meje, kaž tež njedźelu, 29. meje. Zajimcy měli so pola Šmitec w Radworju přizjewić, telefonowe čisło (03 59 35) 28 60.